


NewspaperSG

Usaha Persisi kembangkan silat berhasil

Berita Harian, 17 July 2011, Page 19

 Article also available on Microfilm Reel NL31561

Printer-Friendly Page

Usaha Persisi kembangkan silat berhasil

PERSEKUTUAN Silat Singapura (Persisi) terus menggiatkan usaha menyuburkan minat di kalangan peserta usia muda menerusi Kejohanan Pencak Silat Nasional.

Usaha itu kian membuahkan hasil dengan bertambahnya bilangan penyertaan di kalangan pesilat prajunior (12 hingga 14 tahun) dan junior (14 hingga 17 tahun).

Dalam kejohanan yang sedang berlangsung di Dewan Sultan Jurong East, sebanyak 13

kelas bahagian lelaki dan 10 bahagian wanita dipertandingkan bagi prajunior.

Begitu juga bagi junior dan itu tidak termasuk tiga acara seni setiap bahagian – tunggal, ganda dan regu.


“Sambutan daripada pesilat prajunior dan junior kian menggalakkan dan ini merupakan usaha berterusan Persisi bagi melahirkan pesilat yang berpotensi untuk mewakili negara pada masa depan,” jelas Ketua Pengarah Eksekutif Persisi, Sheik Alauddin

Yacoob.

Bagaimanapun, perhatian akan tertumpu dalam pertandingan bahagian senior, dengan 11 kelas lelaki dan tujuh wanita dipertandingkan, di samping acara seni tunggal, ganda dan regu ditandingkan bagi kedua bahagian lelaki dan wanita.

Ketua Pegawai Eksekutif (CEO) Majlis Sukan Singapura (SSC), Lim Teck Yin, merasmikan kejohanan itu semalam.

Kejohanan diteruskan hari ini dan juga hujung minggu depan.



RASMIKAN PERTANDINGAN: CEO Majlis Sukan Singapura (SSC), Lim Teck Yin (*tiga dari kiri*), merasmikan Kejohanan Pencak Silat Nasional semalam dengan diperhatikan Ketua Pengarah Eksekutif Persisi, Sheik Alauddin Yacoob (*kiri*). – **Foto TAUFIK A. KADER**

– **Foto TAUFIK A. KADER**